



KOMUNIKADO PA PRENSA

Fecha
27 di novèmber 2017

Accountmanager di Komunikashon
Jhanirha Da Costa Gomez

Email
jhanirha.anita@gobiernu.cw

Minister Jesus-Leito ta pidi pa tene kuenta:

No por ofresé servisio di transporte di pasahero kontra pago sin un pèmit òf eksonerashon.

WILLEMSTAD –Minister Jesus-Leito di Ministerio Tráfiko, Transporte i Planifikashon Urbano ta pidi atenshon di un i tur ku ta transportá òf ta ofresé transporte komersial (kontra pago) na pasaheronan sin ku nan ta disponé di pèmit òf eksonerashon a base di e lei “Eilandsverordening personenvervoer” (A.B. 1969, no. 23).

Gobièrnu a tuma nota resientemente di kasonan kaminda hotèlnan (“resorts”), empresanan òf personanan ta ofresé pasaheronan transporte riba kareteranan públiko kontra pago direkto òf indirekto. E práktika aki ta kontra di nos lei di transporte di pasahero. Segun artíkulo 2 di e “Eilandsverordening personenvervoer” no por transportá persona riba base komersial, pues kontra pago, riba kareteranan públiko di Kòrsou sin un pèmit òf eksonerashon di gobièrnu.

Tambe Gobièrnu a tuma nota di kasonan kaminda abogadonan lo a duna nan kliente konseho pa ofresé servisio di transporte numa paso esaki lo no ta kai bou di e “Eilandsverordening personenvervoer”. Pa akclará e parti aki, mester indiká ku den pasado tabata tin diferente kaso den korte kaminda wes a dikta ku ni maske e pasaheronan no ta ser kobra **direktamente** pa e kompania ku ta ofresé e servisio di transporte, **indirektamente** e pasahero ta paga pa e servisio di transporte.

Esaki ta tuma lugá por ehèmpel dor ku e hotèl ta paga e persona of kompania ku a transportá pasahero p’e, i e hotèl na su turno ta deskontá (‘reken door’) e gastunan aki den nan servisio i/òf produkto ku nan ta ofresé nan huésped. Den un kaso asin’aki no ta hasi distinsjon si esun ku ta ofresé e transporte mes ta doño di e vehíkulo, ni si e ta kumpra e servisio di otro hende.

Tin kòntrol mas rígido riba kumplimentu ku e “Eilandsverordening personenvervoer”, tantu pa esnan ku ta ofresé transporte ku pèmit òf eksonerashon komo riba esnan ku ta ofresé transporte sin un pèmit òf eksonerashon. Pues ta pidi tur persona òf kompania ku, na e momentonan aki, ta ofresé transporte pa pasahero sin ku nan ta disponé di un pèmit òf eksonerashon, pa nan stòp ku e práktika aki mesora. Por hasi uso di tur persona òf kompania ku si ta disponé di un pèmit pa ofresé servisio di transporte.

Esnan ku ta hasi nan mes kulpabel na esaki, lo por enfrentá enkarselashon.



KOMUNIKADO PA PRENSA

Fecha

27 di novèmber 2017

Accountmanager di Komunikashon

Jhanirha Da Costa Gomez

Email

jhanirha.anita@gobiernu.cw

Pèrmit di estableimentu pa un negoshi di transporte di pasahero no ta duna e kompania e derecho pa por transporta pasahero. Ta trata aki di dos lei distinto. I e persona ta deseá na risibí un pèrmit di estableimentu mester akudí na ‘Vergunningenloket’ na Euro Building den Saliña pa haña un pèrmit konforme e di dos lei.

Ta pidi pa tur persona ku tin duda pa lo ke ta trata e aplikashon di e lei, pa tuma kontakto ku Servisio di Tráfiko i Transporte na number di telefon 839-2133 òf via di e-mail info.vvrp@gobiernu.cw.